



partii naleraq

UKA 2017/114-01

16-10-2017

**2014-mi eqqumiitsuliornermut piorsarsimassutsimullu periusissiornerup nanginneqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortaq Debora Kleist, Inuit Ataqtigiit)

Inatsisartunut ilaasortap Debora Kleist-ip, Inuit Ataqtigiinneersup 2014-mi eqqumiitsuliornermut piorsarsimassutsimullu periusissiornerup nanginneqarnissaanik Naalakkersuisut peqquneqarnissaat pillugu Inatsisartut aalajangiiffigisassaattut siunnersuutaanut qujavugut, taannalu Partii Naleraq sinnerlugu imannak oqaaseqarfigissuarput:

Eqqumiitsuliortertatta sutigut tamatigut pitsaasumik ineriartortitsinissaat, nunatsinniillu aamma avammut kusanartumik takutitsiuarnissaat tapersersukkatta soqutigisatta pingaartut ilagaat.

Taamaammat aamma assassorluni kusanartuliortartut, qalipaasartut, titartaasartut allallu eqqumiitsulianik, kusanartuliarpassuarnillu tamatta nuannaarutissatsinnik tulluusimaarutigisartakkatsinnillu tunisassiornermikkut saqqummersitsisarnermikkullu akileraarutigut pitsaasumik aaqqiivigineqarsinnaaneri qulakkeerumallugu Inatsisartuni siusinnerusukkut oqallisissiaqarpugut, taamaaliornikkut assassorluni tupinnaannartumik kusanartuliortartugut akileraarutigut eqaatsumik artorsiinetaqanngitsumik aaqqiivigineqarsinnaanerat qulakkeerumallugu.

Tassami ajoraluartumilli eqqumiitsuliorlut suliaminnik tuniniaasarnikkut qanoq qanorlu iliorunik aaqqissuulluakkamik suliaminnik niueruteqarsinnaasunngorlugit aaqqissuussivigineqanngitlat, aamma akileraartarnej eqqarsaatigalugu.

Tamatta nalunngilarput ukiuni makkunani siunissamilumi takornariaqarnej nunatsinni inuussutissarsiutinut pingaartunut ilanngullugu isumalluutigineqartoq.

Maannakkut assessorlutik kusanartuliortartut amerlanerpaat ataasiakkaarlutik namminneerlutik, oqarluaannaraanni nakkutigineqanngitsumik, suliatik tuniniaasarnerillu ingerlappaat. Soorunami taama iliorneq inunnut taakkununga allanik periarfissaqanngitsunut iluaqutissartaqaraluartoq, kisianni naggataatigut akileraarutitigut artorsiisinnaavoq.

Tassa inuit taakku amerlanersaat toqqaannartumik akileraarutinut akiliineq ajorput, aatsaalli ukiumut akileraarutinut immersuiffissaq suliarineqareerluni naammassineqaraangat, taamaammallu inuit pineqartut amerlanerpaatigut akileraarutinut akiligassinneqartarput, soorunami taakkununga ilaatigut oqimaatsorsiuutaasinnaasunik.

Miserratisaanngilarmi, kikkuugaluaruttaluunniit akileraarutinut tamatta akiliisussaataavugut.

Assersuutigalugu oqaatigineqarsinnaavoq, nunatsinni sumiiffiit ilaanni kalaalimineerniarfeqarpoq, tassanilu aalisartut piniartullu kommunit peqataaffigisaannik aaqqissuussamik tuniniaanermikkut, sumiiffiit ilaanni tunisinermi 20 %-it missaannik akileraarutinut akiliigallartinneqartarput.

Isumaqarpugut akileraartarnikkut periuseq aalisartunut piniartunullu atortinneqartoq aamma eqqumiitsuliortunut naleqqussarlugu, soorunami taakku susassaqtullu allat tamaasa qanimullu suleqatigalugit atorneqarsinnaangaluartoq isumaqarpugut ? Aamma naatsorsuuserinermut pikkorissartitsinerit ilanngullugit.

Tassami eqqumiitsuliortortatta siunissami ajunngitsunik pitsaasunillu angusaqarnissaat isumalluarfingaarpud, taamaammatt Siunissaq eqqarsaatigalugu aammalu takornariarpassuit tikerarnissaannut atorluarnissaannullu sillimanissaq sutigut tamatigut pilersaaruseriorluakkamik aaqqissuunnissaa pisariqartoq isumaqarpugut.

Isumaqarpugut taamaaliorutta takornariat nunatsinnut tikittartut amerlanerpaat sapinngisamik aningaasanik amerlanerpaanik maani nunatsinni atuisarsinnaaneratt aamma eqqumiitsuliortortatsinnut iluaqutaasumik pisinnaasoq qularutiginnilarput.

Taama oqaasseqarluta siunnersuutip aappassaanneerineqannginnerani ataatsimiitialiami susassaqtumi suliarineqarnissaa inassutingaarpud.

Anthon Frederiksen